



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De episcopis, vt non sint malum exemplum populo. lxxi.

**urn:nbn:de:hbz:466:1-10722**



machinationes quorundam peruersorum hominum sedare, & eliminando purgare deberet. Transacto igitur triduo ieiunio, & sacris lithaniis more debito celebratis, conuenimus in Ecclesia sancti Ioannis Baptista, & moesti coe sedimus. Tum demum praefatus S. Petri, & domini Ioannis papae missus, proferens chartam apostolicis literis inscriptam qua monebamur, arguebamur, & instruebamur, de omnibus ad veram religionem Christianae fidei pertinentibus. Quae omnia, ut iustum & dignum erat, humiliter accepimus, diligenter tractauimus, & deuoto affectu omnimodo amplectebamur. Ergo euangelicam praecipionem & institutionem saluberrimam lachrymabili voce protulimus, qua arguebantur Pharisei & Scribae: Mundate, inquit, prius quae intus sunt. Et item: Eijce primum trabem de oculo tuo. Ac propheticum illud: Ruina populi, sacerdotes mali. Perpendentes, & discutiendo nosmetipsos inspicientes, & in medium poenitentiae sanctae digno fructu ad terram nos proiicientes, defleuimus negligentias innumerabiles, & peccata nostra grauissima. Deinde hortatu domini Petri contra nosmetipsos, & vitia irati adiunxite primo sancto spiritu, & miserante, capitula infra notata, ad correctionem tam nostram, quam Christiani populi statuendo collegimus.

*De episcopis qui sibi electos seducunt communicantes cum excommunicatis. Cap. LXIX.*

*Ex eodem concilio, cap. 6.*

**S**Cimus sacra autoritate scriptum, qui excommunicato communicauerit, excommunicetur. In hoc nos fatemur episcopi, & presbyteri, & clerici poenaliter peccasse, quod in posterum Deo auxiliante, & emendare & emendari cupimus, & praecipimus.

*De eadem re. Caput LXX.*

*Ex eodem cap. 7.*

**P**lacuit sanctae synodo hunc errorem quasi impium ab Ecclesia amouere: quia animarum curam a domino accepimus, non pecuniarum. Inde & reddituri sumus Deo rationem, & accepturi propter suam misericordiam aeternam retributionem, vel iustam damnationem.

*De episcopis ut non sint malum exemplum populo.*

*Caput LXXI.*

*Ex eodem, cap. 8.*

**B**onum exemplum populis, seipsos episcopi vel sacerdotes debent praebere, & ostendere non solum dicitur



verum & factis. Propter hoc enim statuimus, minimè vnquam in posterum contra sacra statuta aliquo modo communicemus excommunicatis, & diiudicemus nosmetipsos, quatenus in futuro nõ iudicemur à domino. Sequi cupimus dicta & statuta sancti Gregorij papæ, & pœnitentiam dignam agere volumus secretè in monasterio: quia publicè nequim⁹: in futuroq; prædicta omnib⁹ modis Deo propitio vitare volumus. Eandemq; legē statuentes presbyteris, diaconibus, & omni clero, si de gradu deponi noluerint, vt fideliter obseruent, & aliis seruare prædicent.

*De correctione episcoporum qui cum excommunicatis communicauerunt. Cap. LXXII.*

**A**utoritate apostolica firmamus dicta, & præcepta sanctorum canonum, & interdiciamus, quàm diu quis excommunicatus sit, vt nullus nostrorū episcoporum ei audeat communicare, vel cum eo in Ecclesia orare. Et laici qui secuti sunt nos, vt dicunt, errado & sequendo nos modo, nos aut nosmetipsos per pœnitentiam macerantes corrigendo, & viam eis vitæ prædicantes, & aperientes: vt resipiscant à diaboli laqueis, à quibus per nostra mala exempla capti tenentur, & ad veram matrem Ecclesiam per pœnitentiam reuertantur.

*De his qui contemnunt bannum ab episcopis impositum. Cap. LXXIII.*

**N**emo contemnat neque transgrediatur bannum ab episcopis superimpositum. Sciat & abhorreat in epistola B. Clementis dictum, contra se scriptum. Si vobis episcopis nõ obedierint omnes, tam maioris, quàm & inferioris ordinis, atque reliqui populi tribus, & linguæ, non solum infames, sed & extorres à regno Dei, & consortio fidelium, à liminibus sanctæ Dei Ecclesiæ alieni erunt, & audiant ipsum dominum in Euangelio dicentem: Qui vos audit, me audit: & qui vos spernit, me spernit. Quapropter nos euangelicam & apostolicam considerantes auctoritatem, non quæstum pecuniarum, sed lucrum quærentes animarum, statuimus & confirmamus, vt si quis post hanc huius sancti concilij definitionem inuentus fuerit corrupisse bannum ab episcopis impositum, XL. dierum castigatione corripiatur tantum in pane, & sale, & aqua.

*Ex eodē. cap. 9.*

*Ex cōcil. Triburi. cui interfuit rex Arnolphus, ca. 8.*